

# Lehen bilera



Sinodo-seneko Eleizaren alde  
elkartasuna | partaidetza | misioa

## **BIDELAGUN GARA: ELKARREKIN, JAINKOAREN HERRI BEZALA, GOAZ BIDEAN BERRI ONA IRAGARRIZ**

"Elizan eta gizartean, bide beretik goaz,  
elkarren ondoan".

### **1.- OTOITZA**

Zati hau bileraren hasieran egingo bada ere, egokia da partaide bakoitzak aurretik etxean prestatzea.

- **Laguntza-erregua Espiritu Santuari** bilerari ekiteko:

"Adsumus, Sancte Spiritus"...

- **San Pedro** apostoluaren lehen epistolatik (1Pe 2,4-5.9-10)

«Hurbil zaitezte Jaunarengana. Bera da harri bizia, gizonek baztertua, baina Jainkoaren begietan aukeratua eta bikaina. Horrela, zuek ere harri bizia osaturiko espirituzko tenplu egingo zaituzte Jainkoak eta apaiz sagaratuko, Jainkoari atsegin zaizkion espirituzko opariak Jesu Kristoren bitartez eskaintzeko... Zuek, ordea, jatorri aukeratu zarete, errege-apaizgo, nazio sagaratu, Jainkoak beretzat irabazitako herri, ilunpetatik bere argi zoragarriara deitu zaituzten Jainkoaren egintza bikainak iragar ditzazuen. Garai batean herri ere ez zinetenok, orain Jainkoaren herri zarete; errukirik gabe zeundetenok, orain errukia iritsi duzue».

(ISILUNEA)

- **Prestatzeko Agiritik** (PA 9 eta 10)

“ Sinodo-senak «zehatz-mehatz bidelagun izatean elkartasun izatean, batzarran biltzean eta kide guztiek misio ebanjelizatzailean eraginkortasunez parte hartzean agertzen eta gauzatzen den Eliza Jainkoaren Herriaren bizitzeko eta jarduteko berariazko era» adierazten du» (PA 10).

“ Era berean, «bidelagun izateko» aukera zeinu profetiko da guztien ona lortzeko bide den baterako egitasmoa behar duen giza familiarentzat. Elkartasun eta senidetasunerako, partaidetza eta laguntzarako, iragartzen duenari leialtasuna erakusteko gauza den Eliza, behartsuen eta azkenen ondoan egoteko eta bere ahotsa haiei eskaintzeko gauza izango da (PA 9).

(ISILUNEA)

- **Otoitz-giroan**, idazki hauek eta geure bizipena kontuan hartuta, hausnar ditzagun ondorengo galderok:

**Zeintzuk dira gure bidelagunak Elizan? Eta, Elizatik kanpo?**

**Kanpoan geratzen den zein norbanako edo talde bihurtu nahiko genuke gure ibilbideko bidelagun?**

(ISILUNEA)

## **2.- BILERAREN GARAPENA**

- **Talde kide bakoitzak batera** jarriko du bere otoitzaren eta galderen inguruko hausnarketaren emaitza. **Entzun egingo dugu bakarrik (ez da eztabaidarik izango).**

**Jarraian, isilunea egin.**

Entzundakoa barneratzeko unea da.

(ISILUNEA)

- **Partaide bakoitzak entzundakoak aditzera eman diona** eta isilunean barneratu duena batera jarriko du. Elkarrizketan jardun daiteke, baina entzutea eta errespetua sustatuz, Espiritua taldekide guztien berben bitartez agertzen zaigula jakinda. **Berriz ere isilunea egin.**

(ISILUNEA)

- **Partaideek aurreko ataletatik deigarrien gertatu zaiena jakinaraziko dute.** Bizi, batera jarri eta entzundakoaren arabera, galdera egingo diote beren buruari:

**Gure bidelagunei dagokienez, zein hiru urrats ematera bultzatzen gaitu Espirituak elkarrekin joate horretan aurrera egiteko??**

## **3.- AZKEN OTOITZA**

**Gure Aita, zeruetan zarana...**



# Adsumus, Sancte Spiritus

Laguntza-erregua Espiritu Santuari sinodo-bilerari ekin aurretik

Hemen gauzkazu, Espiritu Santua,  
zeure izenean batuta.

Gure benetako aholkulari zarena:  
zatoz guregana, gure alde egin,  
sartu gure bihotzetan.

Erakutsiezaguzu bidea  
erakutsi helmugara nola iritsi.

Ez gaitzela okerreko bidetik joan,  
makal eta bekatariei gertatzen zaien bezala

Ezjakintasunak ez gaitzala  
gezurrezko bideetatik eraman.

Emaiguzu bereizketaren dohaina,  
gure ekintzen oinarrian ez dadin  
aurreiritzi eta burutapen faltsurik izan.

Eraman gaitzazu batasunera zuregan,  
egia eta zuzentasunaren bidetik  
aldendu ez gaitzen,  
lur honetako erromesaldian  
betiko bizia jadesten ahalegindu baizik.

Zeuri eskatzen dizugu,  
Aita eta Semearekin bat,  
sasoi eta leku orotan jarduten duzun horri,  
gizaldi eta gizaldietan. Amen.

Vatikano II.aren saio bakoitzaren hasieran, 'Adsumus Sancte Spiritus' (latinezko jatorrizko otoitzaren hasiera: "Zure aurrean gagoz, Espiritu Santua") otoitz otoitza egin zen. Sevillako San Isidorori (k. 560-636) egotzi zaion otoitz hau aspalditik eta luzaroan egin izan da Kontzilio, Sinodo eta Elizaren beste hainbat bileratan. Sinodo-seneko bideari ekiteko deialdia egitean, otoitzak arren eskatzen dio Espiritu Santuari guregan jardun dezan graziaz beteriko elkarte eta herri izan gaitzen. 2021-2023 Sinodoari begira, bertsio sinplifikatua proposatzen dugu, edozein liturgia talde edo batzarrek errazago erabil dezan.